

## اللقاء ) 60 ( .. #وقفات\_مع\_سورة\_العنكبوت .. د. حازم شومان

حازم شومان

الدكتور حازم بسم الله والصلوة والسلام على رسول الله. الحمد لله وكفى وصلوة وسلاما على عباده الذين اصطفى. اخوانى واخواتي ربنا يبارك فيكم وربنا يحفزكم. نحن الان في اللقاء السادس من لقاءاتنا مع سورة العنكبوت. وهنبدأ ندخل بقى في مواضع خطيرة جدا في المس للواقع اللي احنا عايشين فيه يا جماعة. احنا دلوقتي في اية خمسة - 00:00:00

من كان يرجو لقاء الله فان اجل الله لات. احنا قلتنا ان شعارنا في هذا اللقاء ومن جاهد فانما يجاهد لنفسه. نبدأ بقى من اول اية خمسة من كان يرجو لقاء الله فان اجل الله لات. وهو السميع العليم. يعني ايه من كان يرجو لقاء الله فان اجل الله لات - 00:00:30 هنا في تلات معانيش. اول حاجة من كان يرجو لقاء الله اللي عايز يموت. اللي يتمنى ان هو هيموت. عايز يموت ليه؟ يعني ممكن من خوفه انه ما يقدرش اصبر على الفتنة اللي هو عايش فيها. مش النبي عليه الصلاة والسلام قال ان هيأتي زمان المؤمن هيمر على المقابر. يقول للميت يكلم الميت يا ليتني مكانك - 00:00:50

اللي خايف على دينه يا جماعة في الواقع اللي احنا عايشين فيه ده بيقى مرعوب. طب انا هاقدر اكمل ولا مش هاقدر اكمل! طب هاقدر اسبت ولا مش هاقدر اسبت! مرة كنت واقف ماشي مع احد اخوانى - 00:01:10 وهو طول الطريق انا خايف ما اسبتش انا خايف ما اقدرش اكمل. دخلنا المسجد ما فتح المصحف قعد يقرأ شوية لقيته جاي لي قاعد جنبي بيقول لي انا حاسس بكمية - 00:01:20

لو اتوزع على وجه الارض يفيض اول ما قرأ صفحة من القرآن الكريم. يعني من كان يرجو لقاء الله اللي عايز يموت. وده غالبا عشان خايف انه ما يقدرش يصبر على الفتنة - 00:01:30

فان اجل الله لات. هتموت هتموت. الموت جاي جاي ولكن القضية وهو السميع العليم. يعني ربنا يسمع ما تقول ويعلم ما تفعل. انت هتقابل ربنا بايه انت جاهز انك تقابل ربنا ولا ما انتش جاهز انك تقابل ربنا. وده اسلوب غصب يا جماعة. على المعنى ده الاسلوب ده غصب. يعني يا اللي بتتنمّوا الموت هتموتوا هتموتوا - 00:01:43

ولكن انت عامل ايه الوقتي وانت عايش. انت قدمت ايه للدين؟ انت فرقت ايه مع الدعوه؟ انت قدمت ايه لدينك؟ او عى تظن ان انت اللي كافل الدين. ربنا هو اللي كافلك - 00:02:03

انت والدين زي بالزبط كده يقول لك مسلا حملة العرش لما يموتوا. طب مين اللي بيحمل العرش؟ يقول لك الله يحمل العرش ويحمل حملة العرش. سبحانه تعالى يبقى ده المعنى الاول من كان يرجو لقاء الله اي الموت فان اجل الله لات. الموت جاي جاي وهو السميع العليم - 00:02:13

المعنى الثاني من كان يرجو لقاء الله ان يصدق بيوم القيمة. اللي عنده يقين. انت مصدقني في يوم قيامة! انت مصدقة ان ربنا هيجيب الجبارية زلة ، والحكام الطغاة وهيخليلهم زي الحشرات تحت رجلين يتداوسوا! انت مصدق! انت مصدق ان ربنا هيجيب كل الظالمين والمتجربيين واهل الباطل - 00:02:31

اللي سجنوا اهل الحق وعدبوهم. وربنا هيوقفهم وهينتقم منهم لاهل الحق. انت مصدقة ان يوم القيمة جاي وربنا هيعيث الناس بعد ما بقوا تراب انت مصدق من كان يرجو لقاء الله اللي مصدق ان في اخرة فان اجل الله لات. من باب اولى يصدق ان وعد ربنا في الدنيا - 00:02:51 اللي مصدق وعد ربنا في الاخرة يصدق وعد ربنا في الدنيا زي ما كنا بنقول يعني امتحن صلاتك امتحن صلاتك في الدنيا امتحن

صلاتك انك انت ادعى ربنا فيها بتفريح الكربات. طب لو كرباتك ما اتفرجتتش في الدنيا بصلاتك. لو ما اتجوزتيش بسبب الصلاة. لو ما

انجبتتش بسبب قيام الليل - 00:03:11

لو ربنا ما حل لكش مشكلتك بسبب الركعتين اللي قمت اتوضيت وصليتهم وتولست الى الله فيهم. الصلاة اللي ما حلتكش مشكل

الدنيا هتحل لك مشكل الاخرة العظيمة. مشاكل الدنيا حقيرة. امتحن صلاتك. عشان لو لقيت الدعاء ما استجبيش يبقى غالبا صلاتك

فيها مشكلة - 00:03:31

غالبا الصلاة بتاعتك محتاجة انها تراجع. فهنا كده من كان يرجو لقاء الله اللي مصدق ان فيه يوم قيامة. اللي مصدق ان فيه اخرة فان

اجل الله من باب اولى يصدق وعود ربنا ونصر ربنا في الدنيا. يعني المعنى النصر جاي جاي. وعلى هذا المعنى وهو السميع العليم

يبقى معناها ايه؟ اللي في - 00:03:48

المصحف طبعا كلكم فاتحين المصحف معه يا جماعة. طبعا كل واحد وواحدة قاعددين معه دلوقتي فاتح المصحف على صورة

العنكبوت. صفحة تلتلمية ستة وتسعين صاد تلتلمية مية وستة وتسعين على اية خمسة ومتتابع مع اية عشان نبقى مرکزين

ومالفروض برضه ان ايه اخوانا بيكتبوا الاية قدمانا على الشاشة برضه عشان نبقى ايه آآ - 00:04:08

نبقى مرکزين في الاية. يبقى آآ وهو السميع العليم على المعنى الثاني معناه ايه؟ ان لما بنقعد نقول اللهم اهلك الظالمين. طب الاجابة

بتتأخر ليه كأن ربنا بيقول وعود ربنا في الدنيا جاية. ونصر ربنا في الدنيا جاي - 00:04:28

اوعوا اوعوا لما تدعوا ربنا وتلاقوا الاجابة بالتمكين اتأخرت اوعوا تتهموا الله سبحانه وتعالى. ده ده حكمة. ده ده لحكمة يعلمها الله

وتعالى. المعنى الثالث من كان يرجو لقاء الله المشتاقون الى الله. المعنى الثالث ده معنى الشوق الى الله فان اجل الله لات. يعني ربنا

بيعذب - 00:04:44

المشتاقين الى رؤيته. بيقول لهم هتشوفوني بازن الله. هتشوفوني هتروني ولكن اصبروا حتى تلقوا الله سبحانه وتعالى وحتى تروا

الله كده النبي عليه الصلاة والسلام لما كان يعدي جنب المقابر - 00:05:04

يكلم الاموات يقول لهم انتم السابقون. وانا ان شاء الله بكم لاحقون. ده يعني ايه ان ان شاء الله بكم لاحقون؟ انت عارف اصحابك

خلصوا امتحانات اخر السنة قبلك فقاموا طالعينهم مع الساحل الشمالي. فانت لسة لك امتحانين فقاعده تقول هل حقكم ان شاء الله؟

يعني ايه الحكم؟ يعني انت حاسس ان هم سبقوك لحاجة جميلة. فالنبي عليه الصلاة - 00:05:17

سلام يعني بيبص للاموال كده انت سبقتنا الى لقاء الله. سبقتنا الى الدار الآخرة. النبي عليه الصلاة والسلام يعني كان يستيق الى

الله فده تعزي للمشتاقين يبقى من كان يرجو لقاء الله فان اجل الله لات ايه المعاني بتاعتها تلات معاني. المعنى الاول ان اللي عايز

يموت سوء خوفا من الفتن او اللي عايز - 00:05:37

الموت جاي جاي بس انت اشتغل. المعنى الثاني اللي مصدق ان فيه اخرة من باب اولى يصدق وعود ربنا في الدنيا. انت مصدق ان

ربنا قادر انه يعمل كل اللي ربنا قال عليه في ايات الاخرة في القرآن. ومش مصدق ان ربنا قادر انه ينصر التيار الاسلامي في الدنيا.

المعنى الثالث تعزية للمشتاقين الى الله. ان لقاء - 00:05:57

لقاء ربنا جاي اصبروا واجتهدوا في الاعمال الصالحة عشان تفرحوا لما تلقوا الله سبحانه وتعالى. وشفتم ان معنى كلمة السميع العليم

اختلفوا على حسب التلات معاني كل معنى من التلات على حسبه بقى معنى السميع العليم اللي هو خاتمة الاية غير المعنى الثاني وده

من اعجاز القرآن وتنوع معاني - 00:06:17

الاية الواحدة. الاية رقم ستة ومن جاهد فانما اقوى اداة حصر في اللغة. فاما يجاهد لنفسه ان الله لغبني عن العالمين. يعني ايه

يجاهد لنفسه؟ يعني لما واحد مسلا راح يشتغل مسلا - 00:06:37

عقد عمل فهو تعان فواحد بيقول له ايه انت بتشتغل لنفسك يعني ايه لنفسك؟ يعني انت لا تتخيل كمية المكافئات التي ستتجنيها من

وراء هذا العمل. يعني انت مش عارفة انت صبرك على النقاب في هذه الايام سوابه ايه؟ انت مش عارف انت صبرك على انك تتربي

وتوصل لربنا في هذه الايام شكله ايه؟ انت مش عارفة - 00:06:54

انت صبرك انك تشتغل في الدعوة الى الله. انت صبرك انك تحفظ القرآن. انت صبرك على طلب العلم. انت صبرك على فهم القرآن.  
انت مش عارفين انتم سوابكم ايه بسبب صبركم على اللي انتم صابرين عليه ده. ومن جاهد فانما يجاهد لنفسه. يعني انت هتاخذ  
لنفسك كثير اوبي. انت هتاخدي لنفسك رغم ان النفس هي اللي مش - 00:07:14

اه الحبسة بتاعة الدين والتكليف بتاعة الدين انما النفس هي اكبر مستفيدة. اكبر مستفيدة في النهاية وакبر حد هيفرح في النهاية هو  
نفسك ومن جاهد يبقى الصورة بدأت بالكلام عن الجهد وفي النهاية اخر اية فيها والذين جاهدوا فينا لنهدينهم سبلنا بدأت بالكلام عن  
الجهاد وختمت بالكلام - 00:07:34

زي سورة الحج كده. لازم لازم نوطن نفسنا ان الطريق من اوله لآخره كله جهاد. لازم نوطن نفسنا على الصبر. ومن جاهد انما ومن ديه  
يعني مطلقة يعني ابو بكر صحابي جديد كله تربية نفسية ان الكل لازم يتكسر لله والكل لازم يوطن نفسه ان هو - 00:07:54  
صعب عشان ربنا وطني نفسك ان الطريق ده طريق كفاح وصمود. ومن جاهد فانما يجاهد لنفسه. ان الله لغنى عن العالمين. طب ليه  
ربنا ما قالش ان الله لغنى عن المؤمنين. العالمين دول شملوا المؤمنين وشملوا الملائكة وشملوا يعني زي ما اقول لك كده هو ربنا  
محتاج حملة العرش عشان يشيلوا العرش. طب لما بيموت حملة - 00:08:14

ها لما بيموتوا آآآ في اول القيامة لما حملة العرش بيموتوا مين اللي بيحمل العرش؟ ان الله لغنى عن العالمين. ان ربنا غنى عن  
الجميع هل تعتقد ان الله يحتاج اي احد في اي شيء. وكل شيء يحتاج الله في كل شيء. ولا والله لا يحتاج اي شيء في اي شيء. تعالوا  
بقى - 00:08:34

نبدأ مع بعض مرحلة جديدة في الصورة يا جماعة. هتببدأ الصورة تتكلم هنا عن مشاكل الملتزمين. هتببدأ الصورة هنا تعالج المشاكل  
اللي مقابلاك في حياتك. والمشاكل اللي مقابلاك في حياتك هنتكلم هنا يعني من سنين من وانا طالب في الكلية. وانا نفسي اعمل  
موسوعة اسمها موسوعة مشاكل الملتزمين. ليه؟ وانا طالب في الكلية عندي - 00:08:54

مشاكل مش عارف اجمع ما بين الدراسة وما بين الانطلاق في التربية والدين مش عارف اجمع ما بين ديني وما بين الدراسة. فكانت  
ازمة وانا في الكلية ممكن مسلا اهلي في البيت يعني معتبرضين على التزامي. طب اعمل ايه مع امي وابويا؟ اعمل - 00:09:14  
ايه؟ ابرهم ازاي؟ وفي نفس الوقت اشوف ديني ازاي؟ ولما يقولوا لي ما انتش نازل درس اعقم وانزل ولا اسمع كلامهم ودينی يروح  
ولا اعمل ايه وفي نفس الوقت انا شاب ملتزم. لسة ملتزم بقى لي سنتين ثلاثة. انا لسة جوايا اهواء من بتاعة زمان ولسه معروض  
علي معاصي من بتاع زمان. طب اعمل ايه مع - 00:09:29

الاهواء اللي موجودة جوة قلبي والشهوات اللي موجودة جوة القلب. وفي نفس الوقت انا عايز انطلق في الدين بس مش عارف مش  
لاقي خط سير. طب اجيب خط سير منين؟ طب - 00:09:49  
وبعرف مراد ربنا مني ازاي؟ طب اعرف ربنا الاحب اليه دلوقتي اني اذاكر دراسة ولا ان انا اذاذكر دين ولا ان انا اشتغل في الدعوة؟  
اعرف منين مراد ربنا مني ايه؟ طب - 00:09:59

دلوقتي انا مش لاقي صحبة صالحة. اجيب صحبة منين؟ انا عايز حد يشجعني. انا عايز صحبة وبيئة ايمانية بحق  
و حقيقي. عايز حد يشجعني. وفي نفس الوقت انا - 00:10:09

انت شايف الواقع كله بيخطب في بعضه وده بيشتتم في ده والجماعة دي بيتحارب في الجماعة ديت. هو مين الصح؟ ولا مين الغلط؟  
ولا كله غلط؟ ولا كله صح؟ طب امشي مع مين - 00:10:19

فيسمع كلام مين؟ طب مين الصاحب دول عشان امشي؟ آآ معه واسمع كلامه. وفي نفس الوقت اهل الباطل بيهددوا الملتزمين. واللي  
بيلتحي بيتحارب. طب طب اخاف ولا ما اخافشي ولو خفت ابقي منافق ولا ما ابقو منافق؟ وفي نفس الوقت اصحاب القدام  
بيحاولوا يرجعوني. طب اعمل معهم ايه؟ طب انزل ادعوهم - 00:10:29

طب انا قلبي بيقطع لما بشوفهم وانا ما بكلمهش في الدين. وبحس ان انا مقصري. يا اخوانا الواحد كان عايش في صراع نفسي  
مهول. فكان نفسه ان في يوم من الايام يبقى فيه حاجة اسمها موسوعة مشاكل الملتزمين. ان الملتزם بيعيش ضغط نفسي

مهول. ضغط نفسي جبار. في حياته. ما هو - 00:10:49

مش عارف يعمل ايه ما هوش عارف يوصل لربنا ازاي مش عارف يتعامل مع المشاكل اللي موجودة في الواقع مش عارف لو وقع في معصية سر يعمل ايه. مش عارف ما ما الزي يستطيع ان - 00:11:09

فسبحان الله العظيم حتى رزقني الله صورة العنكبotta. ولقيت ان سورة العنكبotta هي موسوعة مشاكل الملتزمين. عشان كده انا ها حاول يا جماعة وانا بتكلم معكم في المشاكل بتاعة صورة العنكبotta ان انا ابقى عملي. ان انا اديكم تصور عملي للمشاكل. اول مشكلة هتقابلنا الوقتي مشكلة الام والاب. مشكلة الوالدين - 00:11:19

طب ليه ربنا اول مشكلة جت في السورة هي مشكلة الوالدين؟ لأنهم اكتر واحد ناس بيحبوكم وبيرحبوك او عى تفكري انهم جبسوكم ورفضوا النقاب او تحاربوه رفضوا اللحية او حاربوا في التزامك او منعوك من الدروس او عى تفكري لأنهم بيكرهوك. ده هيموتوا عليكم. ده بنحبيهم فيكم. دول اكتر اتنين بيرحبوك في - 00:11:39

الدنيا كلها فانتم بالنسبة لكم بالنسبة لهم مشروع عمرهم. عشان كده ربنا بيقول وان جاهدك لتشرك بي جاهدك. الجهاد ده حياة او موت. انت بالنسبة له وابوك قضية حياة او موت انت مستقبلهم وما خلهم. حاضرهم انت مشروعهم اللي عايشين عشانه. عشان كده سبحان الله العظيم يعني الايات فعلاً نحاول - 00:11:59

نتكلم يا جماعة في من خلال الايات في قضية الوالدين في قضية نعمل ايه مع مشكلة الام والاب اللي جت اول مشكلة لأنهم اكتر ناس بيرحبونا فاكتر ناس بيرحبونا الجهاد يعني قتل وموت يعني يعنيهم مش متخيلين كمية الخسائر اللي ممكن بتيجي في حياتنا بسبب حرارتهم للتزامنا - 00:12:19

فاكرین انهم بيفيدونا ومش عارفين انهم بيحطمونا. ومش عارفين انهم بيقفوا في طريق اعظم حلم لنا في حياتنا ومش عارفين انهم بيذمروا نفسياً وبيخلونا لا عارفين نعمل دنيا ولا عارفين نعمل دين. بسبب خوفهم علينا. يعني عواطف الام والاب في اللحظة دي محتاجة انها ت تقوم اصلاً - 00:12:39

ولكن كل ده بسبب خوفهم. طب تعالوا بقى اما نشوف هذه الايات موسوعة مشاكل الملتزمين تبع ايه يا شباب؟ انا كلمتكم عن ست انواع من التربية قلت لكم التربية النفسية والتربية - 00:12:59

عقلية والتربية الفكرية والتربية الاجتماعية والتربية القلبية والتربية الشخصية الحياتية. قلت لكم دول ست انواع من التربية. الملزمة والملزمة اللي مش متربى عليهم ده مش ما يعرفش يعيش. ما يعرفش يتجوز. ما يعرفش يدخل في فريق وعمل جماعي. ما يعرفش يفيد دينه وامته. ما يعرفش - 00:13:09

صح اللي مش متربى الست انواع دول. اللي ما عندوش التربية النفسية اللي تخلி نفسيته عندها صمود وقوة. وفي نفس الوقت سبات مش زبزبة. وفي نفس الوقت مرونة مش الصدامية اللي عقليتها واسعة عارف يتعامل مع الحياة ازاي صح. اللي عنده آآ تربية شخصية. شخصيتها حلوة. شخصيتها ناضجة. يقدر يقدر يكسب - 00:13:29

الناس ويقود الناس الى الله اللي عنده تربية اجتماعية. يعرف يبني اسرة. يعرف يربى عيل. تعرف تقود بيت. معه رخصة قيادة اسرة. مش رخصة قيادات عربية مش متعلمة فيزياء وكيمياء في المدرسة وما هييش عارفة تتعامل مع جوزها ازاي. بتخرب البيت لو هي لو حد تزوجها او هو يخرب البيت. آآ دي - 00:13:49

قطاع التربية. انا عايزةكم تقولوا الوقتي مشاكل الملتزمين. تبع انهي نوع من انواع التربية؟ يعني اللي يكتب الوقتي بقى يكتب على النت التربية الاجتماعية غلط انا الوقتي اه دكتور محمد بينقل لي الاجابات بتاعتكم وانا مش شايف مين اللي بيكتب. التربية الاجتماعية غلط - 00:14:09

تربية نفسية غلط ها خايفين تكتب؟ تربية قلبية غلط تربية فكرية غلط تبع التربية العقلية. تبع التربية العقلية يا جماعة لأن تسعيين في المية من مشاكل الملتزمين لا سببها. اصل في اخوه اللي قال - 00:14:26

التربية القلبية دي انت عارفين انا من غير ما اعرف هي مين. هي عايشة في بيتها في دور احد احد. ابوها بيجي يكلمها احد احد. يا

بنتي اقسم بالله معزم مشاكلك مع امك وابوك. مشاكل زكاء - 00:14:50

ما هي مشاكل لاحد احد بيجي مشكلة الاخوة شوفوا تناولوها زي كلية التربية الاجتماعية تربية مش تربية عقلية عقلية التعامل مشاكل الحياة انت احيانا تلاقي انسان في حياته مشاكل ومع ذلك بيضحك ومبتسم ليه هو عاقل هو فاهم ان لازم الدنيا فيها مشاكل وفاهم انه هيتعامل مع المشاكل بحكمة وفاهم ان المشكلة مش - 00:15:00

بتتحل بالنوم وليلة. وفاهم ان مش حل المشكلة ان انا انكم على نفسي واحبط نفسي واحطم نفسي. وفاهم ان طريقة التعامل مع المشاكل عايزة تركيز وهدوء انسان عاقل. معزم مشاكلنا يا جماعة معزم مشاكل الملتزمين والملتزمات بسبب التربية العقلية ان هو مش عاقل. عشان كده هنبدأ - 00:15:20

هنتكلم في حاجات يعني ايه واحنا ماشيين كده تبع التربية العقلية. كيف نتعامل مع هذه المشاكل؟ طيب قال تعالى اية سبعة وثمانية وتسعة والذين امنوا وعملوا الصالحات. رکزوا معی ایة سبعة عاملة زي ایة تسعة بالظبط. والذین امنوا وعملوا الصالحات دی بدایة ایة سبعة. وهي بدایة ایة تسعة والذین امنوا وعملوا الصالحات برضو. والذین امنوا وعملوا الصالحات - 00:15:38

المكفرن عنهم سيناتهم ولنجزينهم احسن الذي كانوا يعملون. دی ایة سبعة. طب ایة تسعة والذین امنوا وعملوا الصالحات برضو لتدخلنهم الصالحين. يبقى ایة والذین امنوا وعملوا الصالحات واية والذین امنوا وعملوا الصالحات وما بينهم ووصينا الانسان بواليه.

يبقى الوالدين جم اول - 00:15:58

اول فتنة وجم ما بين امان وعملوا الصالحات وامان وعملوا الصالحات. طب ليه قبلها امان وعملوا الصالحات وبعدها امنوا وعملوا الصالحات؟ رقم واحد لان فتنة الوالدين بالزات فتنة الام والاب. لو قلبيوا على ابنهم او بنتهم بيسلوا له حياته. ليه؟ لان اصحابي هيقولوني هغير محمولي - 00:16:18

اعمل ودن من طين وودن من عجين واحود من الشارع اول ما اشوف صاحبي جاي من بعيد. انما امي وابويا اروح منهم فين؟ ده دول في البيت اللي ربنا سماه السكن. طب هروح فين - 00:16:38

وفي نفس الوقت بتبقى الحرب شعواء. ليه؟ لان بكل العاطفة الحب اللي في قلوبهم بيحاربوا التزام ابنهم لانهم خايفين عليه. فاول حاجة لان لو ما فيش بالزات كبير قوي من الایمانيات والعمل الصالح الملزلم لو امه وابوه حاربوه هيهدلوه وهيتشل وهيقف. فجت قبلها امن واعمل - 00:16:47

وبعدها امن واعمل ايه اعمال صالحة. السبب الثاني اول حاجة الثانية ان انت يعني في مسل هذه الفتن الصعبة لن تثبت الا لو شحنت شحنا عظيمها. فتنة صعبة مش هيسبت فيها غير - 00:17:07

اللي هيتشحن. يبقى مش حل الوالدين ان انا اسمع كلامهم ان انا ابطل دروس وابتطل سماع شرایط وابتطل صحية ملتزمين. انت لو عملت الكلام ده ما عديش هتبقي ملتزم اصلا. انت لو كان ملتزم - 00:17:21

سمعت كلام اهلها في الكلام ده وضاعوا التزامها. ويبعدوا دلوقتي مشاكل مش عارفة ارجع زي ما كنت. ما انت اللي سمعت انت مين قال لك ان ده بر الوالدين؟ انت هكذا - 00:17:31

امك وعقت ربك. لأ بر الوالدين الذي لا لا تعقي في دينك. يبقى يبقى الحاجة الثانية ان ما فيش سبات الا لو في شحن عالي يبقى يا جماعة مواجهة مشاكلنا من غير عبادة مش مواجهة مشاكلك ومعوقات اللالتزام اللي في طريقك من غير حضور دروس وصحبة صالحة مش هتنفع - 00:17:41

الحاجة الثالثة ان آآ ان يعني قبل الفتنة قبل فتنة الوالدين امنوا وعملوا الصالحات. طب بعد فتنة الوالدين امنوا وعملوا الصالحات ازاي تخرج من الفتن زي ما دخلتها ازاي الفتن ما تهش دينك؟ ازاي تخرج منها زي ما دخلتها؟ متدين ملتزم. ازاي مشاكل الملتزمين وموسوعة مشاكل الملتزمين دي ما تأثرش على ايه؟ على - 00:18:01

دينك وعلى التزامك يبقى دی التلات حاجات في ليه قبلها امنوا وعملوا الصالحات وليه بعدها امنوا وعملوا الصالحات. طيب تعالوا بقى ما نمسك الایات والذین امنوا وعملوا الصالحات لنكفرن عنهم سيناتهم ولنجزينهم احسن الذي كانوا يعملون. يعني ايه لنجزينهم احسن

الذى كانوا يعملون؟ كلمة عالية اوى. يعني - 00:18:23

يعنى سنجازيهم على كل عمل باحسن مستوى وصلوا له. بتعبير ابن عاشور لنجزينهم عن اع صالحاتهم جزاء احسن صالحاتهم. يعني ايه؟ يعني انت قمت الف ليلة. بازن الله طبعا يعني بازن الله سبحانه وتعالى. اعلى - 00:18:43

ليلة قمتها في يوم اني بكىتي وتوسلت وتضرعت وطولت وسجدتى وقمت ورثلت اعلى ليلة فيهم تتحسبى ان الالف ليلة هم دول كلهم بخشوع ازاي ؟ ده ده يا ندمك بقى - 00:19:03

يا ندمك ساعتها لو كنت ما لقتيش قلبك في قيام الليل فسبتيه لأنك مش لاقية قلبك. وانت مش عارفة ان كل ليلة ما كنتيش لاقية فيها قلبك كنت هتحاسبى بين ايدين ربنا عليها بمستوى اعلى ليلة اللي انت فيها قلبك. يا ندمه اللي ساب جلسة الضحى لأنه مش لاقى قلبه فيها. لما يكتشف يوم القيمة ان - 00:19:18

الف جلسة ضحى ما انتش لاقى قلبك فيها كت هتاخد عليها سواب الف جلسة اعلى جلسة ضحى قعدتها فيها ونزلت من عينك دمعة من خشية ربنا وانت بتذكره هتاخد سواب الالف على سواب هزه. يا ندم - 00:19:38

العمل الصالح لانه ما لقاش قلبه فيه. يا ندمه اللي ماشي ورا قلبه لقيت قلبي في القيامة قم ما لقتش قلبي اسيبه. لقيت قلبي في الصيام اصوم ما لقتش قلبي اسيبه - 00:19:52

وفي النهاية هتلاقى راح عليك سواب مهول ولنجزي انهم احسن الذي كانوا يعملون. ووصينا الانسان بوالديه حسنا. يعني هم بيحاربوني وربنا بيوصيني عليهم. هو ده الدين يا جماعة. ووصينا الانسان - 00:20:02

انا بوالدي آآ في ناس تقول لك ايه وووصى الله الابن بوالديه ولم يوصي الوالدين بالابن. الكلام ده غلط يا جماعة. ربنا وصى الوالدين الابن قال تعالى يوصيكم الله في اولادكم يوصيكم اه ده بعدها للذكر مسل حظ الانثيين طب ما تاخد عموم الجملة وبعد كده خصصها - 00:20:17

يوصيكم الله في اولادكم خذها على العموم سم التخصيص في مسألة الميراس يوصيكم الله في اولادكم. الام والاب متوصين بولادهم في دينهم وتربيتهم والابن متوصي ووصينا الانسان بوالديه. الباء هنا بقى المصاحبة. يعني لازم امك وابوك دول يبقو اصحابك. اصحابك تعيش معهم وتقوم تجيئ الهدوم - 00:20:37

من على الغسيل وتقوم جايب البناطيل بتاع والدك كويها. من غير ما هو يطلب. وتقوم بالليل جايب الجزمتين بتوعهم لمعهم له. آآ يصحى يلاقيهم متلمعين. آآ امي وتقومي تحطى الغسيل في الغسالة والدتك تصحي تلاقي الغسيل خلص. آآ وتقومي تنضفي الشقة وتقومي انت داخل المطبخ مشطب المواقعين. احنا كنا بنعمل كده واحنا واحنا - 00:20:57

آآ واحنا ملتزمين في الكلية لاهالينا. بنعمل كده. آآ وتقوم الكلام ده اعمله زي بر واول ما ابوك يقول حاجة وانت في عز النوم. يعني آآ انا يعني كان منا والله يا جماعة اللي كان ابوه يناديه يعني يقول سمعنا واطعنا. هو هيموت مش قادر عايز ينام. ولكن هو مستشعر ان الذي يناديه هو الله. مش امه وابوه - 00:21:17

سمعنا واطعنا. انزل هات عيش حاضر خدام. خدام لامي وابويا وخدام متطلع وخدام متفاني. ومن قبل ما يطلبوا الطلب. انا ايه باعمل لهم كل حاجة حاجة وباصحابهم وباتكلم معهم. مش بعد ما تتجوز تزور والدتك يبقى ميعاد الساعة الكتبية بقى اللي انت بتعلماها اداء واجب. قاعد مع مراتك ترغو في كل - 00:21:37

وتروح لامك وابوك تقعد بقى ايه الصمت يطلع عليك وما انتاش لاقى الموضوع لا اتكلم وانفسهم وناكشهم وهات كلام وافتح مواضيع واقعد لحد ما يبقو اصحابك. وتبقى صاحبهم. ووصينا الانسان بوالديه حسنا. طب ما معنى كده يا عم الشيخ ان انا اضيع ديني ليه؟ ما هم بيقولوا لي ما تحضرش - 00:21:57

في دروس وما تصاحبsh اللي انت مصاحبهم. الاثنين دول يا حبيب قلبي لو انت سمعت فيهم كلام امك وابوك انت ضفت. يعني انت عارفة لو قالوا لك اتنقبي ما تتنقبيش وانت - 00:22:17

اتأخرتوا شوية في النقاب. يعني ان شاء الله هتتحل لان في ابواب عبادة تانية ممكن تعبدي ربنا بها اما ربنا يفتح لك باب حجاب

امهات المؤمنين. انما ما تصاحيش الصحبة الالتزامية - 00:22:27

ومات وما تحضرش الدروس في المسجد الاتنين دول عليه العوض. وما تروحش تحفظ القرآن مع الصحبة اللي انت بتحفظ معها او المحافظ اللي بتحفظ معه يبقى انت كده ضائع. عشان كده يا جماعة - 00:22:37

وصلنا الانسان بوالديه ايه؟ حسنا مش احسانا فيه فرق بين الاحسان والحزن. فيه فرق بين الاحسان والحزن. الاحسان لا يتحمل الا القبول. يعني لما يطلب منك لا يتحمل القبول. انما الحسن انا ممكن اقول لأ بس بجمال - 00:22:47

اللي هيقتل في المعركة دي - 00:23:00

**ببدأوا يضربوا الغلام - 00:23:20**

ابراهيم قال له اذا اتيت اهلك فقل حبسني الساحر. اذا اتيت الساحر فقل حبسني اهلي. طب ما هو كده بيكتب. ما هو البديل ان دينه هيضيع البديل ان دينه هيضيع. يعني ممكن حتى يعرض.انا نازل رايح درس. هو ممكن فاكررين درس ديني دنيوي وانا نازل درس ايه؟ ديني.انا نازل ازاكر مع اصحابي. هو ممكن هيزاكر - 00:23:40

علم شرعي وهم فاكرين انه هيذاكر علم دنيوي. انما الراهب ما قالوش ما تجييش ليه؟ لانه لو ما جالوش كان دينه ضاع. ما كانش  
كمل من غير مربي من غير صحبة من غير دروس. من غير - 00:23:58

محفظ قرآن هزه الشخصيات. كل واحد منكم وكل واحدة منكم غيابه في حياته معناه ان في عمود من عواميد عمارة الدين في حياتك واقع لازم كل واحد منكم يبقى في حياته محفظ قرآن مربى صحبة صالحة آآداعية بيحضر له الدرس بتاعه لازم يبقى يبقى في كل واحد - 00:24:08

مننا في حياته هذا هذه الايه ؟ هذه الادوار وان جاهدك لتشرك بما ليس لك به علم فلا تطعهما. في الدين لا. في الدين لا ده لو قال لك ما تصليش السنة ما تسمعش كلامه - 00:24:29

السوق ليه ؟ لأن ده ربنا ده ما لوش دعوة يا جماعة، ده منهج حياة، ما لوش دعوة بالبر والعقوق. البر اخدمهم اكولهم اغسل لهم انضفهم لهم آآا عمل خد مدارس لهم يشتتمني واسكت ! ده البر انما البر انقطع عن الدين اقطع الحبل السري اللي بيني وبين الدين هذا ليس هو - 00:24:42

آ فلا تطعهما الي مرجعكم فانبئكم بما كنتم تعملون. فانبئكم بما كنتم تعملون. يبقى هنا احنا وقفنا مع لفظ شهداك وقفنا مع لفظ حسنى وقفنا مع لفظ صاحبها. وقفنا مع لفظ فلا تطعهما. وقفنا مع الباء في آآ بوالديه - 00:25:02 يعني كل دي دلالات على آآ عظمة البر وفي نفس الوقت مع ايه؟ مع آآ عدم تضييع دينك. عظمة البر ازن الكلام اللي انا قلته كلامه ما تشيليش في نفسك بقى اما والدتك تقول هادعي عليك وانت النقاب اللي انت جبته لنا وربنا ما ينتقم منك كل ده الله لا يستجيبه. ليه؟ لأن - 00:25:22

هي بتحاربك في دينك كده! طيب في نفس الوقت خلاص بيقى ام ابويا بيحاربوني في دينهم! لا صاحبها في الدنيا معروفا. لا. آآ  
ووصينا الانسان بولديه حسن دول كفرة فما بالك ب المسلمين ولكن خايفين - 00:25:42

النواب البر مش في اللحية - 00:25:56

البر مش في صلاة الجماعة البر مش في حضور درس. طيب الوقتي يبقى اذا انا هعمل كده. طب افرض ده ادى الى اصطدام لازم تعرض. يعني يعني دايما اقول لاخوانى - 00:26:06

اللي له صاحب صالح. خايف على انه يفقده ما يكلمش اهله في البيت عنه. ما ترجعيش بقى البيت. يا ماما ده انا صاحبتي مسلا مروءة متزمه ومتدينة اول ما والدتك هتتضائق منك مروءة دي تقاطعها. ليه؟ لأنها هتحس ان هي بقى اللي شداكي في الدين وهي انت مسلا صاحبك مسلا محمد ده محمد ده ان شاء الله زالت يا ابني ما تتكلمش - 00:26:16

لما يكون فيه شيخ او مربى ربنا رزقه لك ما تتكلمش عنه في بيتك انا بقول للاخوة المتوجزة مش الاخوة اللي مع امها وابوها اقول لهم لما يكون في اخ انت شغال معه في الدعوة كتير ما تجيبيش سيرته في البيت. عشان ما ينفسنوه منه - 00:26:36  
تقولوا هو ده اللي واخد مننا آفلان. يعني يا جماعة اتعلموا الحياة. يبقى فيه حاجة في العلاقة بالوالدين اسمها التعريض. انا نازل رايح درس. انا نازل ازاكر والتعريض آآ في حاجة ولو ان حديث الغلام كان فيه كدب. يعني الراهن قال له اكذب. انما احنا هنقول هنا التعريض. اللي فيه حاجة تانية - 00:26:53

اسمها عدم ذكر الصحبة في البيت. يعني عارفين لما واحد يكون متتجاوز واحدة ومبسوط منها يروح لوالدته. ده ما شاء الله! ده فلانة دي امة تقوم غاية منفسنة تقوم مولعة حرية عليه. يا ابني ما تشكرش في مراتك قدام والدتك. ما تجيبيش سيرة مراتك قدام والدتك - 00:27:13

من مراتك ماشي. طلع ضيقك من وراها. انما مبسوط منها اووعي تقول انها بسطاك او انها طابخة لك حلو ليه؟ لأنك بتستسيير نفسيتك اللي قدامك. واخددين بالكم معى يبقى فيه - 00:27:33

حاجة اسمها ما تجيبيش سيرته ما تجيبيش سيرة آآ صاحبك اللي شغال معك في الدعوة قدام مراتك. رقم اتنين ما تجيبيش سيرة مراتك قدام والدتك. رقم ثلاثة ما تجيبيش سيرة المراد - 00:27:43

بتاعك والصحبة الصالحة بتاعتكم قدام والدك ووالدتك. فهمتم التلات قواعد دول؟ خلیکم بقى طبقووا الله يعینکم. ده دى حكمة اللي مش هيطبقها ان شاء الله بازن الله هيتعلم بس بخبرة الايام بقى هيتعلم بس لما ايه لما يدوق بقى يبقى ازا في حاجة اسمها ما تتكلمش بحيس ان ايه مش اه نازل اه ده زمنه راح لفلان - 00:27:53

هو عنده غيره ده زمانه مش عارف قاعدة مع فلانة هي عندها غيرها. لا يبقى احتسب للایام الجاية. طيب وفي ايه تاني مع الوالدين؟ في حاجة تالتة اسمها عدم - 00:28:13

التأسر النفسي بموقفه من الدين. يعني ايه؟ يعني هم دلوقتي بيحاربوك في التزامك. ها ما هيحاربوك بایه؟ هم فاهمين ان بر الوالدين ده حنة قوية او في الدين - 00:28:23

يبدأوا بقى يحاربوك بها. انت كده عاق. مش راضيين عليك. هو ده الدين. هو ده بص كل ده ما هواش مش موضوع. طب النقطة الرابعة بهم بقى في آآ ما يحبونه. يعني ما تخليهاش كلها كده كاروهات خلي حنة بمبى. ايه ما يحبون انك تخدمهم وتتفانى في خدمتهم - 00:28:33

طلبهم بعد فترة يكتشفوا ان انت اطوع واحد لهم. وال الحاجة الثانية في المذاكرة في المذاكرة انك انت لما باقول للاخوة دايما اللي عندهم مشاكل مع اهلهم زاکروا في الصالة يقول لي مش عارف. اقول له يا ابني زاکر في الصالة - 00:28:53

يا ابني سبт ساعتين كده تقد في الصالة كده بقى حتى لو ما انتش مركز. اقعد بس في الصالة وركز. ارضيهم. خلي الساعتين دول بر والديك. ها يعني يبقى حتى لو سبعين في المية تركيز - 00:29:05

يبقى اعمل اللي هم بيعبوه بقى برهن في البر الحقيقي. خلاص؟ الحاجة الخامسة اصبر. لو اتحارب اصبر. يعني كل التيار الاسلامي اتحارب. ولكن في هي يعني ربنا سبحانه وتعالى بيفتح على قد ايه؟ على قد الصبر - 00:29:15

دي بعض الحلول العملية في قضية بر الوالدين غير حنة الدعاء والاجتهد في الدعاء. وزي ما قلت لكم عدم التأسر النفسي بكلامهم ان ما تخافش ربنا مش غضبان عليك ما تقلقيش ربنا مش غضبان عليك. ما تقلقيش بس ارضيهم في البر الحقيقي. في البر الحقيقي في امور الدنيا. رقم سبعة بقى وثمانية اللي هو دعوتهم. ان ما - 00:29:29

حنة الدعوة الى الله معهم. ما تنسوش مسألة الدعوة الى الله معهم وفرج ربنا يعني بيعي في اي وقت. الكل ربنا يفرجها عليه.

والذين امنوا وعملوا الصالحات لتدخلنهم في الصالحين. فيه فرق بين كلمة عملوا الصالحات وبين كلمة الصالحين اللي  
وصلوا الذين صلحوا لجوار الله في - 00:29:49

الاعلى. امال عملوا الصالحات؟ لا مش كل واحد عمل الصالحات وصل وبقى صالح. فممكן واحدة بتعمل الصالحات وقلبها مليان  
شهوات وشبهات وعندها مشاكل. ويبيقى عملوا الصالحات معناها ماشي على الطريق. انما الصالحين اللي وصلوا. فربنا قال هنا بشري  
مهولة يا جماعة. قال والذين امنوا وعملوا الصالحات. اللي مات على الطريق وما وصلش - 00:30:09

لتدخلنهم في الصالحين هيعاملوا معاملة اللي وصل. يا ربى! طب البشري المهولة دي جت بعد اية الوالدين ليه؟ عشان حاجتين  
الحاجة الاولانية ان الوالدين دول احب ناس اليك في الدنيا. فلما خسرتنيهم بسبب دينك. لما خسرتهم بسبب دينك. فربنا قال جزاء من  
جنس العمل. انت خسرت - 00:30:29

احبابك بسبب الالتزام هعوضك احباب اشد حبا لك منهم. يبقى لو اتخليناهم في الصالحين هعوضك الانس. الوحشة اللي انت لقيتها  
بسبيب ان الاحباب سابوك هعوضك بها انس يبقى جزاء من جنس العمل. طب والمعنى الثاني؟ المعنى الثاني يا جماعة ده معنى مهول.  
يعني انا لو كنت فاهمه ايام الكلية اعتقاد ان يعني اعتقاد ان - 00:30:49

هيفرق معه كتير اووي. ان الوقتي لما تلاقي والدك ووالدتك مشاكل وتعارض آآ بين الدراسة والمشاكل والدنيا والفتنة والشهوات  
القديمة ومعصي السر اهو تلاقي كل كل ده فانت في النهاية بعد كل ده انت سرعتك في الطريق الى الله بقت بطبيئة. انت تتخيل مسلا  
لو كان والدي ووالدتي مش معارضين ده انا كان زمامي طلاقة. لو كان ما فيش مشاكل - 00:31:09  
ده انا كان زمامي طلاقة لو كان ما فيش دراسة ده انا كزاولي طلاقة فانت شايف ان المعوقات دي مع الطلاق. فكان ربنا بيقول ابشركم  
جماعه. المعوقات دي بتتطيأ سرعتك في الطريق شوية - 00:31:29

بدل ما كنت هتمشي على صورة متين كيلو في الساعة ماشي على سرعة عشرين كيلو. ولكن مجرد انك على الطريق لو مت وانت  
عليه هتعامل معاملة اللي وصل المهم انك على الطريق عشان كده - 00:31:39  
يا ندمه يا ندم اللي ساب الطريق بسبب انه محبط. وبسبب انه قال انا مش هقدر اوصل. فقام سايب الطريق. انا دلوقتي قلت يا ندمه  
مرتين. مرة من اية سبعة ومرة - 00:31:52

الاية تسعه. يا ندموا من اية سبعة يا ندم اللي ساب عمل صالح لانه قال مش لاقى قلبي. لما بيجي يوم القيمة يلاقي ربنا هيكان بكل  
الاوراد اللي عملها ومش لاقى قلبه فيها باجمل ورد مرة عمله في يوم من الايام كان لاقى قلبه فيه. يا ندموا. والثاني يا ندموا -  
00:32:04

اللي ساب الطريق بسبب انه احبط وقال مش هقدر اوصل. ومش هقدر اعمل حاجة. يا ندمه. يا ندمهم يا جماعة. يعني ديت ايات  
حاولنا ان احنا نتناول النهاردة اول مشكلة - 00:32:24

في موسوعة مشاكل الملتزمين وهي مشكلة وهي مشكلة الوالدين. آآ ان شاء الله بازن الله. آآ المرة الجاية بقى من اول آآ ومن الناس  
من يقول امنا بالله. يبقى دي ان شاء الله بازن الله لقاء سبعة بقى من اول لقاء سبعة بقى القادم بازن الله ان شاء الله بازن الله آآ من  
اول - 00:32:37

ومن الناس من يقول امنا بالله اه اه فاذا اوذى في الله جعل فتننا الناس كعذاب الله. اه الشعار بتاعنا المرة الجاية بازن الله سبحانه  
وتعالى. وليرعلمون الله الذين امنوا وليرعلمون المنافقين. الشعار بتاعنا المرة الجاية بازن الله سبحانه وتعالى وليرعلمون الله الذين امنوا -  
00:32:57

ليرعلمون المنافقين ده الشعار بتاعنا في الجولة بتاعتنا المرة الجاية ان شاء الله. واحنا بتتكلم عن باقي موسوعة مشاكل آآ الملتزمين. آآ  
ان شاء الله يا جماعة آآ عايزيين آآ يعني - 00:33:21  
يعني نشد حيلنا كده. الوقت المفروض ان انا معنی آآ طلبة وطالبات. سنة تانية وسنة اولى. ها آآ زائد بعض اخواننا اللي مش معنا في  
المعهد. اتمنى ان احنا نشد حيلنا. ان شاء الله بازن الله - 00:33:34

الفترة الجاية خلاص دكتور محمد عبدالرحمن ودكتور محمد جودة. خلصوا امتحاناتهم اللي كانت عندهم في الماجستير. آآآ ان شاء الله بازن الله انا برضو عديت مرحلة بقى ايه عشر ذي الحجة - [00:33:44](#)

والعيد الكبير وال حاجات اللي كانت بعدها. فضل ومنته الله سبحانه وتعالى. يعني الدنيا ان شاء الله تنطلق بقى الفترة الجاية بازن الله وحده. عايزين نستأنف موضوع الاجتهاد - [00:33:54](#)

المسكرات اللي انت بتعملوها بتاعة سنة اولى وسنة تانية عايزها توصل لي عشان ابدأ اشوف درجة عمل هزه الامور. آآ مسألة حفظ القرآن مسألة الاجتهاد في الدين يعني اتمنى ان ربنا يسدكم كده ويبارك فيكم. ان شاء الله بازن الله هيبقى فيه شوية فعاليات ادارية في الايام القادمة. ان شاء الله عشان نبدأ بقى نستقيم كده لان سنة - [00:34:04](#)

اولى وسنة تانية في امور ادارية كثيرة محتاجة انها تترتب معهم الايام القادمة. يا ريت يا جماعة نقوم الليل بصورة العنكبوت. يا ريت يا اخواننا نقوم الليل بالصور اللي احنا بناخذ شرحها - [00:34:24](#)

والايات اللي احنا بناخذ شرحها عشان نرتب بالقرآن ونحصل بكتاب الله سبحانه وبحمدك اشهد ان لا اله الا انت استغفرك واتوب اليك - [00:34:34](#)